



***Uključite se!***

**Mannerheim liga za dobrobit djece**



MANNERHEIMIN  
LASTENSUOJELULIITON  
*Lapin piiri*

**LAPSET ENSIN**

## Mannerheim liga za dobrobit djece

- Je nevladina organizacija osnovana 1920.
- Radi na promociji dobrobiti djece, mladih i porodica sa djecom
- Djeluje širom Finske
- Nema političku niti vjersku pripadnost

## Mannerheim liga za dobrobit djece

- Centralna organizacija na nacionalnom nivou
- 10 okružnih organizacija
- 588 lokalnih udruženja
- Više od 91 000 članova

## Vrijednosti MLL-a

- Vrednovanje djece i djetinjstva
- Dijeljenje zajedničke odgovornosti
- Humanost
- Jednakost

## Principi MLL-a

- Otvorenost
- Radost
- Druženje
- Učestvovanje
- Vrednovanje svakog dana



# Aktivnosti i usluge za porodice i djecu



## Porodični kafići

MLL porodični kafići pružaju roditeljima male djece mjesto gdje mogu susretati druge roditelje i dijeliti iskustva. Djeca mogu uživati u igri sa drugom djecom. Porodični kafići su mjesta za razgovor, kafu ili čaj i igranje sa djecom. Oni su takođe domaćini prezentacija stručnjaka. Aktivnosti vode instruktori volonteri.

Sve porodice sa djecom su dobrodošle u porodične kafiće! Takođe se možete uključiti i sami postati instruktor u porodičnom kafiću.

## Klubovi

MLL vodi niz različitih klubova za djecu i porodice. U tim klubovima djeca rade stvari koje ih interesuju i dozvoljeno im je da se igraju, istražuju i uče vlastitim tempom. Atmosfera u klubu im pomaže da steknu nova prijateljstva i da se nauče slagati sa ostalima.


MLL poziva svu djecu u klubove!

Takođe se možete uključiti i sami postati instruktor u klubu.

## Volonteri za podršku porodici

MLL obučava volontere da djeluju kao podrška porodicama sa djecom. Volonteri za podršku porodici pružaju pomoć i podršku u različitim aspektima porodičnog života, dajući savjete o roditeljstvu i pomažući roditeljima da se nose sa svakodnevnim životom.

Volonteri za podršku porodici su dostupni za porodice sa jednim ili više predškolske djece i za porodice gdje je majka trudna. Takođe se možete uključiti i obučiti da i sami postanete volonter za podršku porodici.



## Aktivnosti otac-dijete

Aktivnosti otac-dijete su oblikovane da podrže očinstvo i jačaju interakciju između očeva i njihove djece. Aktivnosti uključuju klubove, kampove za očeve i djecu, sjednice grupa ravnopravnih učesnika i različite vrste događaja. Svi očevi su dobrodošli! Takođe se možete uključiti i obučiti da postanete instruktor u grupi ravnopravnih učesnika



## Aktivnosti za roditelje

### **Grupe ravnopravnih učesnika**

Grupe ravnopravnih učesnika služe za susrete sa drugim roditeljima koji dijele slične životne situacije. One su prilika da se podijele vlastita iskustva i osjećaji sa drugim roditeljima.

Grupe ravnopravnih učesnika uvijek vodi instruktor. Postoje odvojene grupe za osobe koje su po prvi put postali roditelji i roditelje djece koja su u dobi izljeva bijesa, kao i mnoge druge grupe.

Svi roditelji su dobrodošli! Takođe se možete uključiti i sami postati instruktor u grupi ravnopravnih učesnika.

### **Postanite prijatelj majci imigrantu**

Šema „Postanite prijatelj majci imigrantu“ spaja finske majke sa majkama imigrantima da provode vrijeme zajedno i uče običaje i jezik jedne od drugih. Prijatelj može dati praktičan savjet o svakodnevnim stvarima, kao što je bavljenje službenicima.

Uključite se i postanite prijatelj!

## Kolektivni djedovi i bake

MLL-ov tim kolektivnih djedova i baka čine odrasle osobe koje žele volontirati u svoje slobodno vrijeme i učestvovati u aktivnostima sa djecom. Kolektivni djed i baka mogu, na primjer, posjetiti MLL-ov porodični kafić da čitaju priče, igraju i bave se umjetnošću i izradom raznih predmeta sa djecom.

Postanite kolektivni djed i baka!



C: Elias Lahtinen

## Događaji

MLL je aktivan u organizovanju manifestacija i događaja za cijelu porodicu. MLL je takođe domaćin predavanja o dobrobiti djece i roditeljstvu.

Dođite da dobijete nove informacije ili da pomognete u organizaciji događaja!





## Postanite volonter

Volontiranjem je darujete nešto od svog vremena da biste bez plate radili i pomagali drugima. Volontiranje vas nagrađuje dobrim osjećajem jer ste bili u mogućnosti napraviti razliku. Volontiranje je i način upoznavanja novih ljudi i sticanja novih iskustava.

U MLL-u, svi volonteri dobiju odgovarajuću obuku i podršku za svoju ulogu, na primjer kao instruktor za klub ili grupu. Možete volontirati za MLL čak i ako vaš finski nije savršen. Volontiranje je, u stvari, odlično za učenje jezika.

Imamo širok spektar mogućnosti za volontiranje koje odgovaraju vašem rasporedu i ličnim interesovanjima.

### **Mannerheim liga za dobrobit djece nudi mnogo raznih mogućnosti za volontiranje:**

- Instruktor u porodičnom kafiću
- Instruktor u klubu
- Volonter za podršku porodici
- Prijatelj djece i mladih
- Instruktor aktivnosti otac-dijete
- Instruktor u grupi ravnopravnih učesnika
- Kolektivni djed i baka
- Prijatelj za imigrante
- Volonter za događanja



10

## Briga o djeci

Mannerheim liga za dobrobit djece obučava i pruža usluge čuvanja djece porodicama sa djecom. MML usluga briga o djeci oblikovana je da ispunjava privremene i kratkoročne potrebe pomoći u brizi o djeci.

Usmjerena je na roditelje koji, na primjer, moraju putovati na posao ili trebaju odmor da provedu neko vrijeme zajedno. Dadilje su dostupne u svako doba.

Cijena je 10 eura na sat, nedjeljom 20 eura na sat.



Rezervišite dadilju  
tel. +358 2 235 4720

<http://lastenhoito.mml.fi>

Otvoreno radnim danima  
od 8:00 – 13:00

C: Anna Autio



## Kako se mogu uključiti?

Posjetite nas u okružnoj kancelariji, naše osoblje je ovdje da vam pomogne.



Pirkkakatu 2  
96200 Rovaniemi  
Tel. +358 50 465 0704

<http://lapinpiiri.mll.fi>  
<http://www.mll.fi>

*Mannerheim liga za dobrobit djece (MLL) je nevladina organizacija otvorena za članstvo (Non-Government Organisation, NGO) koja radi na promociji dobrobiti djece, mladih i porodica sa djecom.*

**MLL poziva sve da se uključe!**

Pirkkakatu 2  
96200 Rovaniemi  
Tel. +358 50 465 0704

<http://lapinpiiri.mll.fi>  
<http://www.mll.fi>